

33

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

SEP 15 1933

T 9297.1100 B



玉海卷第三十七

浚儀王應麟伯厚甫

哈佛大學漢和
圖書館珍藏

藝文

書

隋經籍志書之所興蓋與文字俱起孔子觀書周
室得虞夏商周四代之典刪其善者上自虞下至
周爲百篇編而序之遭秦滅學至漢唯濟南伏生
口傳二十八篇又河南女子得秦誓一篇獻之伏
生作尚書傳四十一篇以授周郡張生張生授千
乘歐陽生歐陽生授同郡兒寬寬授歐陽生之子

玉海卷第三十七

世世傳之至曾孫歐陽高謂之尚書歐陽之學又有夏侯都尉受業於張生以授族子始昌始昌傳族子勝爲大夏侯之學勝傳從子建別爲小夏侯之學故有歐陽大小夏侯三家並立訖漢東京相傳不絕而歐陽最盛初漢武帝時魯恭王壞孔子舊宅得其末孫惠所藏之書字皆古文孔安國以今文校之得二十五篇其泰誓與河內女子所獻不同又濟南伏生所誦有五篇相合安國並依古文開其篇策以隸古字寫之合成五十八篇其餘篇簡錯亂不可復讀並送之官府安國又爲五十

八篇作傳會巫蠱事起不得奏上私傳其業於都尉朝朝授膠東庸生謂之尚書古文之學而未得立後漢扶風杜林傳古文尚書同郡賈逵爲之作訓馬融作傳鄭玄亦爲之注然其所傳唯二十九篇又雜以今文非孔舊本自餘絕無師說晉世秘府所存有古文尚書經文今無有傳者及永嘉之亂歐陽大小夏侯尚書並亡濟南伏生之傳唯劉向父子所著五行傳是其本法而又多乖戾至東晉豫章內史梅賾始得安國之傳奏之時又闕舜典一篇齊建武中吳姚興方於大桁市得其書奏

上比馬鄭所注多二十八字於是始列國學梁陳所講有孔鄭二家齊代唯傳鄭義至隋孔鄭並行而鄭氏甚微自餘所存無復師說又有尚書逸篇出於齊梁之間考其篇目似孔壁中書之殘缺者故附尚書之末

三皇五帝書 古三墳

禮外史掌三皇五帝之書注楚靈王所謂三墳五典疏按孝經緯三皇無文有文字之後仰錄三皇時事昭十二年左右史倚相能讀墳典三墳三皇時書五典五帝之常典延叔長堅馬季長等說不同惟孔安國

尚書序解與鄭同

書序三墳言大道五典言常道

春秋正義賈逵云三墳三王

皇一作之書五典五帝

之典延篤言張平子說三墳三禮禮為人防

天地人

之禮五典五帝之常道馬融說三墳三氣陰陽始生

天地人之氣也五典五行也諸家各以意言

杜注云

皆古書名

史記太史公曰尚書獨載堯以來而百

家言黃帝其文不雅

中興書目三墳之目見於孔

序漢志不載元豐中

七年

毛漸奉使京西得之其書

以山氣形為別山墳謂之連山氣墳歸藏形墳坤乾

與先儒言三易異其中有姓紀一篇皇策一篇政典

二篇合為三卷皆依託也序曰三墳各有傳墳乃古文傳乃隸書胤征引政典今政典之文頗與書合史通諸子廣造奇說其語不經其書非聖故馬遷有言神農已前吾不知矣班固亦曰顓帝之事未可明也程子曰如許行為神農之言及陰陽醫方稱黃帝之說

帝典

大學帝典曰克明峻德注堯典

虞書 舜道經

說文虞書曰仁閱覆下則稱旻天

荀子解蔽篇舜

之治天下不以事詔而萬物成故道經曰人心之危道心之微注今虞書有此語而云道經蓋有道之經也

夏書

左傳賦納以言明試以功戒之用休

云云

勿使壞念

茲在茲成允成功寧失不經官占唯能蔽志皆以為夏書沈潛剛克高明柔克無偏無黨三人占從二人皆以為商書

夏書多帥彼夫常一句又字小異

晉

語夏書曰怨豈在明

有今

書正義左傳莊八年夏書

曰臯陶邁種德僖二十四年夏書曰地平天成二十七

年夏書賦納以言襄二十六年夏書曰寧失不經皆在

大禹臯陶謨當云虞書而云夏書者以事關禹故引為夏書若洪範以為周書以其子至周商人所陳而傳引之即曰商書也

周語夏書有之衆非元后何戴書曰民可近也而不

可上也注逸書在湯誓曰余人有臯無以萬夫萬夫有

臯在余一人注今湯誓無此言按湯語有夫作方

禹雒書本文 綠字 九章

洪範天錫禹洪範九疇注天與禹洛出書神龜負文

而出列於背有數至于九禹遂因而第之以成九類

以五行為始 正義云 正義漢書謂為九章劉歆以有數從一而至于九

為禹治洪水錫洛書法而陳之洪範是也龜負洛書

經無其事中候及諸緯多說黃帝堯舜禹湯文武受

圖書之事皆云龍負圖龜負書緯候之書不知誰作

通人討覈謂 起哀平五行志云凡此六十五字皆

雒書本文初一日等二十七字必是禹加之敬用農

用等十八字大劉顧氏以為龜背先有摠二十八字

小劉以為敬用等亦禹所第叙其龜文惟有二十字

未知孰是 皇極稽疑庶徵不言數 漢五行志箕子

在父師位而典之武王虓已問焉初一至次九凡此

六十五字皆雒書本文所謂大法九章 大戴禮明

堂篇二九四七五三六一八鄭氏注云法龜文也漢

人固以九數為洛書 隋志洛書六篇 晉志大禹

觀濁河而受綠字。寰瀛之內可得而言。綠字非洛出也

宋志黃帝龜書出洛。堯沈璧于洛。玄龜負書。湯

東至洛。有黑龜赤文成字。成王禮洛。玄龜背甲刺書

赤文成字。 東京賦龜書界似 淮南子至德之世

洛出丹書。 白虎通德至淵泉則洛出龜書。 爾雅

注河圖曰靈龜負書。丹甲青文。 文選注雜書曰秦

失金鏡。魚目入珠。中候曰玄龜負圖出洛。周公援筆

以寫。 光武禪文引雜書 劉牧曰易曰天地之數五

十有五。即洛書自然之數。 朱文公曰洛書本文四

十五點。蓋取龜象。凡數自一至五。五在中。自九至五

五亦在中。戴九履一。左三右七。五亦在中。 關子明

曰洛書之文。九前一後。三左七右。四前左。二前右。八

後左。六後右。 黃度曰一九二八三七四六分據八

方而五居中。

商書

墨子經五。夏書曰禹七年水。殷書曰湯五年旱。 呂

氏春秋夏書曰天子之德廣運乃神。乃武乃文。 也

商書曰五世之廟可以觀。怪萬夫之長可以生謀。 也

商書曰刑三百。罪莫重於不孝。周書曰若臨深淵。

若履薄冰注周書周文公所作說文商書相時懋民記充

命曰民立而正事純而祭祀是為不敬敬孫務時敏

尹吉曰作詰惟尹躬及湯自周有終孟子伊訓曰

天誅造攻自牧宮荀子臣道篇書曰從命而不拂

微諫而不倦為上則明為下則遜注禮記漢書伊

訓篇曰誕資有牧方明

周書

左傳成十六年范文子戒晉侯周書曰惟命不予常

注禮記襄二十五年衛大叔儀言書曰慎始而敬

終終以不困注逸書昭六年叔向言書曰聖作則

注逸書二十年苑何忌云康誥曰父子兄弟罪不相

及注周書康誥今無傳引周書惟德是輔乃大明

服庸庸祗祗明德慎罰不敢侮鰥寡大國畏其力惠

不惠茂不茂皆今有國語周書所謂重黎實使天

地不通周書曰文王至于口中吳不皇暇食惠于小

民唯政之恭周書有之曰怨不在大今有孟子康

誥凡民罔不憇泰誓曰無畏寧爾也惟曰其助上帝

記甫刑曰苗民匪用命君雅曰夏日暑雨君奭曰

昔在上帝周田觀文王之德緇衣注古文為割申

勸寧王之德今博士讀為厥亂勸寧王之德三者皆

嘉靖丙辰年

異古文似近之

呂氏春秋周書曰允哉允哉注逸

書說苑周書曰前車覆後車戒

文選注周書曰

乃辨九服之國又曰湯歸於亳三千諸侯大會武王將渡河中流白魚入王舟會武王於郊下者八百諸侯

周書 周史記 周記 青史氏記 周

百二十國寶書

漢志周書七十一篇注周史記師古曰劉向云周時

詰誓號令也蓋孔子所論百篇之餘今所存者四十七

五篇 隋志雜史周書十卷雜史七十二部周汲冢

書

書似仲尼刪書之餘 唐志雜史汲冢周書十卷孔

晁注周書八卷崇文目同 史通周書與尚書相類

即孔氏刊約百篇之外凡為七十一章上自文武下

終靈景其有典雅高義亦有淺末常說殆似後之好

事者所增益也書多駁辭宜孔子所不取抑戰國處

見至若職方之言與周官無異時訓之說比月令多

同斯百王之正書五經之別錄史通引周 今按汲

冢周書十卷晉五經博士孔晁注凡七十篇始於度

訓終於噐服序在卷末其畧曰昔在文王商紂並立

困於雷政將弘道以弼無道作度訓車服制度明不

荀踰作噐服周道於焉大備

孔晁注或稱十卷或稱八卷

隋唐志

皆云此書得之晉大康中汲郡魏安釐王家

武帝紀咸寧五年

年十月得竹簡古書然劉向班固所錄並著周書七十一篇且

謂孔子刪削之餘而司馬遷史記武王克殷事與此

合周紀武王登龜阜望洛邑徐廣曰出周書鄭玄注周禮行人云周書王

會備焉注儀禮鄉射云周書曰北唐以問說文引逸

周書大翰若翬雉豈漢世已入中秘其後稍隱耶篇

目比漢但闕其一必班劉司馬鄭許所見繫之汲冢

失其本矣時訓明堂記禮者所采錄克殷度邑遷史

所援據杜氏左傳注引千里百縣疏云周書存者其

書

文非尚書之類左傳疏引周書謚法

周公謚法一卷即此書第五十

四篇晉狼曠曰周志有之勇則害上不登於明堂注

周書也其語今見篇中漢小說家虞初周說應劭謂

以周書為本說文爾雅注引逸周書楊賜修德修政

之言馮衍傳注小開篇司馬相如傳注王季宅程唐

大衍曆議維元祀二月丙辰朔武王訪于周公又竹

書十一年庚寅周始伐商文選注周史梓闕之夢皆

是書也楚世家欲起無先蘇秦說魏縣縣不絕蔓蔓

柰何墨子國無三年之食非其國蒙恬傳必參而伍

之王商傳以左道事君者誅史貨殖傳農不出則乏

食工不出則乏事商不出則三寶絕大戴保傳篇注
習之為常皆曰周書淮南記論訓周書曰上言者常
下言者權注以為周史之書蕭何云天子不取反受
其咎顏氏注周書本與尚書同類蓋孔子所刪百篇
之外劉向所奏有七十一篇主父偃云安危在出令
存亡在所用注以為本尚書之餘陳湯傳谷永云記
功忘過宜為君注以為尚書之外周書今書有無其
語者豈在逸篇乎文選注引古文周書穆王事書
正義引及冢古文云盤庚自奄遷
殷于書正義漢張霸偽造尚書百兩篇而為緯者附
之鄭作書論依尚書緯云孔子求書得黃帝玄孫帝

書

魁之書迄於秦穆公凡三千二百四十篇斷遠取近
定可為世法者百二十篇以百二篇為尚書十八篇
為中候去三千一百二十篇公羊疏公羊以為哀
公十四年獲麟之後孔子得端門之命乃作春秋按
閔因叙云昔孔子受端門之命制春秋之義使子夏
等十四人求周史記得百二十國寶書九月經立感
精符考異郵說題辭具有其文如楚之書鄭之志魯
之春秋魏之紀年此其可言者又引解疑論云
詳見古史
子吾見百國春秋周公朝讀書百篇

南宮敬叔命周人出御書注周人司周書典籍之官

史記周紀周太史伯陽讀史記曰云云正義諸國皆有史以記事 十二諸侯表太史公讀春秋歷譜

謀至周厲王曰云云孔子西觀周室論史記舊聞與於魯而次春秋左丘明因孔子史記具論其語 六

國表秦燒詩書諸侯史記尤甚為其有所刺譏也詩書復見者多藏人家而史記獨滅周室以故滅惜哉

獨有秦記不載日月其文畧不具陳氏曰古者諸侯志小史掌之而藏周室魯人所謂周人御書皆人所謂辛有之二子董之於是 陳

世家孔子讀史記至楚復陳 國晉語瞽史之記曰唐叔之世將大臣以擬其主

如商數嗣續其祖如穀之滋西方之書有之曰懷與安實疚大事注西方謂周也 大戴禮保傳篇青史氏

之記曰古者胎教 漢志小說家青史子五十七篇古史官記事也風俗通義引青史子書 隋志梁有青史子一

卷 文心彫龍青史曲綴於街談 莊子孔子西藏書於周室又金版六弋釋文皆周書篇明蘇秦讀周書陰符

左傳注轡之柔矣逸詩見周書疏彼引詩云馬之剛矣轡之柔矣馬亦不剛轡亦不柔志氣庶

庶取與不疑其書今在文非尚書之類 左傳正義沈氏云嚴氏春秋引觀周篇云孔子將脩春秋與左丘

丘

氏云嚴氏春秋引觀周篇云孔子將脩春秋與左丘

明乘如周觀書於周史歸而修春秋之經丘明為傳共為表裏

蜀志秦宓曰書非史記周圖仲尼不采

漢九家書 三家經文

藝文志書九家四百一十二篇入劉向稽疑一篇注

畧之外古文經四十六卷孔安國作傳疏經二十

九卷大小夏侯二家歐陽經三十二卷師古曰二十

授者疏云泰誓傳四十一篇即伏生歐陽章句三十

一卷大小夏侯章句各二十九卷大小夏侯解詁二

十九篇歐陽說義二篇劉向五行傳記十一卷許商

五行傳記一篇周書七十一篇議奏四十二篇石渠

論孔子纂凡百篇而為序言作意秦燔書濟南伏生

勝獨壁藏之漢興亡失得二十九篇古文出孔壁多

十六篇劉向以中古文校歐陽大小夏侯三家經文

酒誥脫簡一召誥脫簡二文字異者七百有餘脫字

數十劉歆曰孝文始使鼂錯從伏生受尚書秦誓後

百酒誥之篇俄空焉今亡失漢儒未嘗見古文仲

舒魚鳥劉歆丙午還師之言皆與古文不同禮記

以咸有一德尹牙為尹告君雅司馬遷以盤庚為帝

辛時文侯之命為重耳鄭玄以胤征為臣名旅突為

首豪夏侯以嶠夷為錮錢唐虞官百鄭

云官六十一劉歆引伊訓誕資有叔方明

漢書曰自古書契之作而有史官其載籍博矣至孔

氏纂之上繼唐堯下訖秦繆唐虞以前雖有遺文其

嘉靖丙辰年

五

監生趙祖經刊
語不經故言黃帝顓帝之事未可明也

漢古文尚書

執文志尚書古文經四十六卷為五十七篇注師安

國書序云凡五十九篇為四十六卷承認作傳引序各冠篇首定五十八篇鄭玄叙贊云後又亡其一

故五十七古文出孔子壁中皆古字也隋志孔惠所藏家語孔騰漢記尹敏

傳孔安國孔子後世孫一悉得其書攷二十九篇得多

儒林傳孔氏

十六篇獻之遭巫蠱事未列于學官有古文尚書安國以今文字讀之逸書得十餘篇遭

巫蠱未立學官安國授都尉朝司馬遷亦從安國問

故遷書載堯典禹貢洪範微子金縢諸篇多古文說

書

朝授膠東庸生生授胡常卮十九篇其一是百篇之

世所傳百兩篇出東萊張霸分析合二十九篇為數

十采左氏傳書叙為作首尾凡百二篇文意淺陋成

帝時以中書校之非是注中書天子所藏之書黜其書隋志

古文尚書十三卷唐志崇馬融注十一卷鄭玄注九

卷唐志王肅注十一卷唐志晉范甯注古文舜典一

卷唐志任孝恭古文大義杜林傳古文賈逵作訓馬

融作傳鄭玄為注然其所傳唯二十九篇雜今文非

孔舊本晉世祕府所存有古文尚書經文今無傳者

正義安國傳不行張霸之徒偽作舜典汨作九共

大禹謨益稷五子之歌胤征湯誥咸有一德典寶伊
 訓肆命原命武成旅獒罔命二十四篇除九共九篇
 共卷為十六卷故以伏生二十八篇分出舜典益稷
 盤庚二篇康王之誥及秦誓三篇為三十四篇合於
 孔氏五十八篇四十六卷之數志云古文又多十六
 篇篇即卷也即是偽書二十四篇不見孔傳劉向班
 固劉歆賈逵馬融皆不見真古文而誤以此為古文
 馬鄭諸儒莫觀其學見於
 經典者諸儒皆謂逸書
 甲說命等見在而云亡其五作典
 而云逸鄭序以為虞夏書二十
 書四十四篇贊云三科之條五家之
 百篇次第孔鄭不同孔依壁內二篇
 鄭玄亦不見之
 鄭注書仲
 虺之誥太
 寶等十三篇見亡
 篇商書四十篇周
 教是虞夏同科也
 及序為文鄭依

賈氏所奏別錄為次鄭注禮記遇引今尚書所有之
 文皆曰逸書桓譚新論云古文尚書舊有四十五卷

服虔杜預皆不之見
 注左傳亂其紀綱云夏桀時杜
 寧失不經辰不集于房官占唯能藏志惟彼陶唐怨
 不在明皇天無親民之所欲大國畏其力官師相規
 趙岐注孟子天降下民作之君作之師綏厥士女湯
 一征自葛始不顯丕承韋昭注國語眾非元后何戴
 關石蘇均皆以為逸書孟子引太誓曰我武
 惟揚趙岐謂古尚書百二十篇之時太誓也按伏生

所傳三十四篇謂之今文則夏侯勝夏侯建歐陽和
 伯三家所傳及蔡邕所勒石經是也孔所傳者庸生
 劉歆賈逵馬融等所傳是也劉歆賈逵馬融等並傳

孔學云十六篇逸與安國不同者良由孔注之後其
 書散逸傳注不行庸生賈馬等惟傳孔學經文三十

三篇鄭與三家同題曰古文尚書篇與夏侯等同而

經字多異晉王肅注書始似竊見孔傳注亂其紀綱為夏太康時

晉皇甫謐得其書載於世紀鄭冲得而傳之授蘇愉

愉授梁柳柳即謐之外弟也授臧曹曹授梅賾一作奏

上其書元帝時亡舜典一篇自乃命以位以上二十八字世所不傳乃取王肅注

堯典慎微五典以下晉末范甯為解時已不得焉至

齊建武四年姚方興於大航頭得而獻之事亦隨寢

釋文若稽古以下十二字是姚方興上孔氏至隋開

皇二年募遺典乃得其篇自漢武至隋開皇凡六百七十餘年然後五十八篇

者傳學正義又曰史記及儒林傳云伏生獨得二十九

篇以教齊魯則今之泰誓非初伏生所得鄭玄書論

云民間得泰誓別錄曰武帝末得於壁內獻之與博

士使讀說之數月皆起傳以教人房宏等說云宣帝

元年河內女子有壞老人屋得古文泰誓三篇今史

漢書皆云伏生則司馬遷時已得泰誓以并歸於伏

生不得云宣帝時始出也書是本名尚是伏生所加

伏生本二十八篇盤庚出二篇加舜典益稷康王之

誥凡五篇為三十三篇加所增二十五篇為五十八

加序一篇為五十九為例有十曰典謨貢歌誓誥訓

命征範孔依壁內篇次及序為文鄭依賈氏所奏別

錄為次百篇次第孔傳二十三篇與鄭注同二十五篇增多鄭注

畢命正義漢初不得比篇有偽作其書以代之者漢律曆志云康王十二年六月戊辰朔三日庚午故畢命豐刑曰惟十有二年六月庚午肫

王命作策書豐刑此偽作者不知豐刑之言何所道也鄭康成曰今其逸篇有冊命霍侯之事不同與此

序相應非也康成所見又似異於豐刑皆妄作也君奭正義鄭玄不見周官之篇言此師保為周禮師

氏保氏大夫之職言賢聖兼此官無逸疏鄭玄云祖甲帝甲也盤庚疏東哲云尚書序將治亳殷孔子壁中尚書云將始宅殷豈與古文不同也哲不見壁內之書妄為說耳

尚書正義今尚書大誓謂漢魏以前融鄭玄王

與孔安國書云二十八篇前世以為放二十八宿不

知有百篇也後又得偽大誓一篇通為二十九篇漢

魏末立於學官馬融尚書傳序云大誓後得按其文

似若淺露書傳所引大誓不在大誓者甚眾夏竦文

事以明之春秋國語孟子禮記王肅亦云大誓近非本經杜氏在晉初亦未見真本元帝時梅賾始獻安國所注古文其內有秦誓二篇記傳所引悉有之漢魏諸儒不見古文因伏生之謬從堯典至胤征

五曆癸未

五曆癸未

五曆癸未

凡二十篇摠名曰虞夏書故傳通謂六為虞以下皆為夏書不書賦詩文雅事與書序大平按王肅注尚書其言多是孔傳疑肅見古文匿之而不言也

後漢紀章帝建初八年十二月戊申詔選高才生為古文帝延光二年正月選三舍郎及吏人能通古文尚書言毛詩毅梁春秋各一人傳杜林博

時稱儒河南鄭興東海衛宏等皆長於古師劉歆歆馮之訢然濟南徐巡始事宏後更

林前於西州得滌書古文尚書一卷賢愛之等曰離兵亂常恐斯經將絕何意一子

斯道竟不墜於地宏為作訓旨於是古文遂行林張

孫能讀古字作訓詁鄭玄從張恭祖受古文尚書以山東無足問者乃西入關事馬融賈逵父徽受古文尚書

於塗暉風俗通曰塗姓塗山氏之後暉張楷通古文作尚書注周磐學古文洪範盧植上書曰少

從通儒馬融受古學願詣東觀專心研精合尚書章句劉祐學古文尚書傳注尹敏習歐陽尚書後

受古文周防事蓋豫受古文尚書撰尚書雜記

孔僖自安國以下世傳古文尚書楊倫師事丁鴻

習古文尚書特徵博士衛宏從杜林更受古文尚

書作訓旨

儒林傳師古注引衛宏定古文尚書序

始私

吳志虞翻傳奏鄭玄解尚書違失事目古文

篆卯字讀當為柳古柳卯同而以為昧分比三苗比

古別字又訓比猶別也又云所注五經違義尤甚者

六十七事不可不正

周禮注書曰度西曰柳穀釋文云古文宅與度字相

似月令疏異義云今文尚書歐陽說古尚書說

記緇衣注古文周田觀文王之德為割申勸寧王之

德今博士讀為歎亂勸寧王之德三者皆異古文似

近之詩鹿鳴箋書曰厥篚玄黃疏鄭禹貢注引胤

征曰篚厥玄黃鄭不見古文而引張霸尚書詩箋又

引書曰天將有立父母民之有

詩疏洪範稽疑論卜兆有五曰圍注云圍者色澤光

明蓋古文作悒今文作圍賈逵以今文較之定以為

圍鄭依賈氏所奏大明疏太誓曰師乃鼓譟前歌

後舞格于上天下地咸曰孜孜無怠疏又引太誓云

司馬在前王肅曰司馬太公也商頌疏賈逵馬融

說尚書云史記惟刑之靜哉注今文云惟刑之謚

哉魯世家作餽禾殷紀小辛立百姓思盤庚乃作盤

庚二篇伯禽作彤誓索隱按尚書大傳作鮮誓索

隱古文在治忽今文作采政忽史記作夾始滑平章
百姓今文作辯章春言東作夏言南為

大誓曰正稽古立功立事可以永年丕天之律今

文後揚賜傳書曰天齊乎人假我一日

尚書曰上刑挾輕下刑挾重注與今尚書不同

水經注淇水又北逕頓丘縣故城西古文尚書以為觀

地

葉氏曰安國自以博考經傳採摭群言然孟子載伊

訓造攻自牧宮不言鳴條春秋傳述五子之歌衍率

彼天常一句證康誥父子兄弟罪不相及今文乃無

書

有若荀卿引中歸曰諸侯自為得師者王得友者霸

引康誥曰惟文王敬忌一人以擇其繆妄如此禮記

以申勸寧王之德為田觀文王以庶言同則亡釋字

其乖悟如此朱文公曰漢書曰引秦誓云立功立事

疑即武帝世所得者律歷志引畢命伊訓字畫有

與古文畧同者疑即伏生口傳而晁錯所屬讀者其

引武成則伏生無此篇必張重勳所偽作

漢尚書逸篇

記坊記注今秦誓無此章正蓋以鄭不見古文尚書漢

時別有尚書逸篇四月太子登上祭於畢以下三篇

之書 隋志徐邈撰古文尚書音一卷尚書亡篇序

一卷梁五經博士劉勰注尚書逸篇二卷出於齊

梁間考其篇目似孔氏壁中書之殘缺者故附尚書

之末 唐志徐邈注尚書逸篇三卷 書正義錯亂

序減四十二篇以不可復知亦上送官張霸之徒於

鄭注之外偽造二十四篇 劉向別錄云五十八篇 藝

文志云古文又多十六篇篇即卷也 即是偽書劉歆

三統歷論武王伐紂引今文素言云丙午逮師武成

越若來三月五日甲子咸劉商一上受並不與孔同亦

不見孔傳也賈逵云流為烏與孔亦異 董仲舒對策

是武帝時 漢律歷志引武成篇云惟一月壬辰至祀

於周廟與此經不同彼是焚書之後有人偽為之漢

世謂之逸書其後又亡其篇鄭玄云武成逸書建武

之際亡謂彼偽武成也 孟子注孟子時尚書凡百

二十篇逸書有舜典之敘亡失其文孟子諸所言舜

事皆堯典及逸書所載 孟子注自常常以下 白虎

通書逸篇曰厥兆天子爵尚書亡篇曰太杜唯松東

杜唯栢南杜唯梓西杜唯栗北杜唯槐 北史劉芳

傳尚書逸篇曰太杜唯松 南史任昉得一篇缺簡

劉顯曰是古文尚書所刪逸篇昉檢周書果如其說

左傳聖作則慎始而敬終終以不困命以伯禽唐
誥皆策命篇名 漢律志先其筭命注逸書 孔叢

子維高宗報上甲微 孟子不及貢以政接于有庠

史記恃德者昌恃力者亡 說文引逸周書 漢

五行志注引逸周書 歷志引古文月采篇畢命豐

刑 莽傳有書逸嘉禾篇 趙岐杜預韋昭注書凡

見於二十五篇之內者皆謂逸書實未嘗逸也

漢尚書三家博士 古文尚書古文同異

藝文志歐陽章句三十一卷大小夏侯章句各二十

九卷大小夏侯解故二十九篇歐陽說義二篇訖孝

書

宣世歐陽大小夏侯氏立於學官 後儒林傳前書

伏生傳尚書授歐陽大小夏侯氏三家皆立博士孔

安國傳古文未得立 前傳贊武帝立五經博士開

弟子貢百有餘年傳業寢盛初書唯有歐陽至孝宣

世復立大小夏侯尚書平帝時又立古文

歐陽生字和伯千乘人事伏生授兒寬寬授生子世

世相傳至曾孫高為博士高孫地餘為博士論石

渠至歛八世博士 林尊事高為博士論石渠授

平當陳翁生 當以明經 由是有平陳之學翁生授

殷崇為博士當授朱普為博士 桓榮受朱普學

萬曆十七年 監生施可光

章句四十萬言，浮辭過實，榮入授顯宗，顯宗師事

博士桓榮，學通尚書。世祖受尚書於許子威減為二十三萬

言。子郁復刪省，定成十二萬言。由是有桓君大小

太常章句。榮世相傳授代作帝師建寧初，詔太

傳三公選通尚書。桓君章句者，三公舉楊賜侍講

華光殿。楊震受於桓郁。張酺事榮。丁鴻從

榮明章句，善論難為都講。牟長習歐陽拜博士

著錄萬人，著尚書章句，皆本之歐陽氏。俗號牟氏

章句。宋登教授數千人。尹敏初習歐陽，後受

古文。張奐事朱寵，學歐陽尚書。初牟氏章句，浮

辭繁多。注牟卿受書于張堪為博士有四十五萬餘言，奐減為

九萬言。杜喬治歐陽。徐穉學歐陽。鮑永習之

大夏侯都尉。名從濟南張生。張生受尚書于伏生傳族子始昌

始昌傳勝，勝又立事簡卿。兗寬門人勝從始昌，又從

歐陽氏，問為學，稍執所問，非一師。宣帝時，遷太子

大傅，受詔撰尚書論語說，賜黃金百斤。師古曰：解

今義疏也。志論語即魯夏侯說。二十一。笈。孔霸事勝為博士，周堪事

勝論石渠經最高，堪授牟卿為博士，及許商、霸子

光亦事牟卿。由是有孔許之學，商門人炅欽為博

士。宋意父京、張子雋、賈逵以大夏侯教授。牟

融習大夏侯。吳良習大夏侯，學通師法，經任博士。小夏侯勝傳從兄子建，建師事勝，又事歐陽高。左右采獲，又從五經諸儒問，與尚書相出入者，牽引以次章句，具文飾說，勝非之曰：「建所謂章句小儒，破碎大道，建亦非勝為學，疏畧難以應敵。」建卒，自顯門名經。張山拊事建為博士，論石渠，授李尋、鄭寬中、張無故、秦恭。延君假倉無故善脩章句，恭增師法，至百萬言。倉論石渠，寬中以博士授太子，由是有鄭、張、秦、假、李氏之學。恭授馮賓為博士。藝文志說五字之文，至於二三萬言。注桓譚新論云：

秦近君能記堯典篇目，兩字之說至十餘萬言，但說曰：「若稽古三萬言。」中興王良習小夏侯

古文。周防薦補博士。楊倫特召博士。晉太興初，尚書鄭氏古文，孔氏置博士。

儒林傳：兒寬又受業孔安國，初見武帝，語經學上曰：「吾始以尚書樸學，弗好，及聞寬說，可觀，乃從寬問一篇。」歐陽大小夏侯氏學皆出於寬。後賈逵傳肅宗好古文，尚書遠數為帝言古文，與經傳爾雅詁訓相應。詔令撰歐陽大小夏侯尚書古文同異，逵集為三卷。帝善之，復令撰齊魯韓詩與毛氏異同，并作周官

解詁建初八年乃詔諸儒各選高才生受古文尚書
遠著經傳義詁及論難百餘萬言學者宗之儒林傳

林傳古文同郡賈逵作訓馬融作傳鄭玄注解由是古文遂顯輿服志永平二年

乘輿服從歐陽氏說公卿以下從大小夏侯氏說元初六年以歐陽家說更六宗祠隋志三家並立而

歐陽最盛晉永嘉之亂歐陽大小夏侯尚書並亡史記

正義七錄云三家至西晉並亡書正義歐陽夏侯謂父族四母族

三妻族二堯典歐陽大小夏侯說皆云在六者之間

助陰陽變化舜典詩正義異義九族今禮載尚書

歐陽說云九族乃異姓有親屬者父族四母族三妻

書

族二古尚書說上從高祖下至玄孫凡九皆為同姓

類上帝尚書夏侯歐陽說以事類祭之就南郊月令

異義云今文歐陽說古尚書說云云周禮疏夏侯歐陽說其罰百率

古文尚書說百鍰

正義按史記秦時焚書伏生壁藏之後求其書亡數

十篇獨得二十九篇以教于齊魯之間而云口以傳

授者蓋傳教既久誦文則熟又言裁二十餘篇意以

為少之辭又二十九篇自是計卷若計篇則三十四

去泰誓猶有三十一劉歆云泰誓後得別錄云武帝

時民得於壁內獻之隋志伏生口傳二十八篇三統

萬曆十六年 監生朱琳

歷引武成粵若來三月武王燎于周廟刑法志引秦誓立功立事皆今文也

尚書大傳

漢藝文志傳四十一篇即大傳也隋志大傳三卷鄭玄

注崇文目同顧彪撰音二卷伏生作尚書傳四十一篇授

同郡張生張生授千乘歐陽生唐志伏勝注大傳

三卷又暢訓一卷舊唐志尚書暢訓三卷伏勝注中興書目按鄭

康成序云蓋自伏生也伏生為秦博士至孝文時年

且百歲張生歐陽生從其學而授之音聲猶有訛

誤先後猶有差舛重以篆隸之殊不能無失生終後

書

數子各論所聞以已意彌縫其闕別作章句又特撰

大義因經屬指名之曰傳劉向校書得而上之凡四

十一篇至康成始詮次為八十三篇經典序錄尚

書大傳三卷伏生作

大傳篇目有九共帝告嘉禾揜誥之類虞傳有九共

引書曰予辯下土使民平平使民無傲殷傳有帝告

引書曰施章乃服明上下又大傳云子夏讀書畢見

夫子夫子問何為於書對曰書之論事昭昭如日月

之代明離離如參辰之錯行禮記周禮注疏白虎通文選注多引大傳

史記厥協六經異傳索隱云如尚書大傳劉向傳

贊鴻範論發明大傳著天人之應
行傳注稱鄭玄曰皆出注大傳也

後漢五行志五
即顛傳尚書洪

範記日月行中道移節應期德厚受福重華留之
晉五行志漢文帝時宓生創紀大傳

者。是濟南伏生書傳文。
王制疏伏生書傳有虞夏

傳。
王藻疏唐傳云古者有命民有飾車駢馬衣錦

詩疏堯典平章百姓書傳作辯章平辯義通又引

殷傳書正義引伏生書傳西伯戡黎引伏生書傳云

書序伏生口以傳授裁二十餘篇伏生以舜典合於
堯典益稷合於臯陶謨盤庚三篇合為一康王之誥

畫

合於顧命釋文曰即馬鄭所注二十九篇疏泰誓本

非伏生所傳武帝世始出而得行史因以入於伏生

所傳之內故云一十九篇堯典臯陶謨禹貢甘誓湯

誓盤庚高宗彤日西伯戡黎微子牧誓洪範金縢大

誥灋誥梓材召誥洛誥多方多士立政無逸君奭顧

命呂刑文侯之命費誓秦誓凡二十八篇加泰誓為

十九古文增多二十五篇大禹謨至問命復出五

篇儒林傳秦時伏生壁藏漢定求其書亡數十篇

獨得二十九篇教于齊魯之間孝文詔太常使掌故

晁錯往受之注師古曰衛宏定古文尚書序云伏生

萬曆丁亥年

監生戴日來刊

老不能正言言不可曉使其女傳言教錯齊人語多與潁川異錯所不知凡十二三畧以其意屬讀而已史記漢定天下伏生求其書亡數十篇獨得二十九篇以教于齊魯之間掌故朝錯受之何比十學於錯

尚書中候

隋志尚書中候五卷鄭玄注梁有八卷今殘缺正

義鄭玄注中候依運斗樞以伏犧女媧神農為三皇

又云五帝帝鴻金天高陽高辛唐虞氏六人名五帝

詩正義中候苗興稱堯受圖書已有稷名在錄

中候合符后云云握河紀說堯考河命說舜契握云

云云洛予命云天乙在亳東觀於洛我應云云稷起

書

云蒼耀稷生感迹南齊志引儀明篇

漢中文尚書

劉陶傳明尚書春秋為訓詁推三家尚書夏侯勝建

及古文是正文字七百餘事名曰中文尚書歐陽和伯

漢尚書雜記

後儒林傳周防受古文撰尚書雜記三十二篇四十

萬言張奐傳學歐陽著尚書記難三十餘萬言

漢鄭玄書贊

正義鄭玄書贊云我先師棘子下生安國亦好此學

衛賈馬二三君子之業又云孔子乃尊而命之曰尚

書避序名故謂之贊

藝文志注師古曰鄭玄序贊

云後又亡其一篇

書正義鄭玄注書序舜典云入麓伐木注五子之歌

云避亂於洛汭注胤征云胤征臣名又注禹貢引胤

征云厥篚玄黃昭我周王又注咸有一德云伊陟臣

扈曰又注典寶引伊訓云載孚在亳又曰征是三股

又注旅獒謂酋豪之長

漢尚書正經

荀爽傳爽著禮易傳詩傳尚書正經春秋條例又作

公羊問及辨識

書

朱文公以諸篇本文為經而復合序篇於後

漢尚書

史通晉廣陵相孔衍以為國史所以表言行昭法式

至於人理常事不足備列乃刪漢魏諸史取其美詞

與言足為龜鏡者定以篇第纂成一家由是有漢尚

書後漢尚書漢魏尚書凡為二十六卷唐志雜史

類孔衍漢尚書十卷後漢尚書六卷後魏尚書十四

卷隋志雜史魏尚書八卷孔衍撰梁十卷成

書傳畧說

禮大行人疏按書傳畧說云天子太子年十八授孟

侯詩正義引之孟侯者四方諸侯來朝迎於郊或可遠郊

勞使世子為之是以孝經注亦云世子郊迎郊迎即

郊勞也皮雖據夏法周亦然玉藻疏按書傳畧說

云祀上帝於南郊即春迎日於東郊王制疏見學

類檀弓疏周以至動殷以萌夏以芽公羊疏書

傳略說

魏尚書釋問

隋志魏侍中王粲尚書釋問四卷唐志四卷王粲問田瓊韓益正王

肅尚書駁議五卷唐志云義問三卷鄭玄王肅及晉

博士孔晁撰唐志王肅孔安國問答三卷顧尚書釋

歡百問一卷巢猶百釋三卷

問一卷虞氏撰 詩正義引王肅注

晉集解尚書

隋志東晉李顥集解尚書十一卷唐志云尚書新釋

二卷宋姜道盛集釋尚書十一卷唐志云經典序

錄李顥注十卷姜道盛集解十卷范甯集解十卷

正義李顥集注尚書於偽泰誓引孔安國南史孔

子祛著尚書義二十卷集注尚書三十卷

梁尚書大義

隋志尚書大義二十卷梁武帝撰梁主言本有兩泰誓兼而存之古文

代紂今文觀兵時事唐志任孝恭古文大義二十卷

萬曆十七年刊

唐二十五家書

藝文志經錄二曰書類二十五家三十三部三百六卷始於古文孔安國傳注釋有謝沈王肅范甯李顥姜道盛鄭玄呂文優王元度傳有孔安國古文伏勝大傳暢訓劉向洪範五行傳論馬融傳義疏有伊說巢猗費昺蔡大寶劉焯顧彪劉炫孔穎達注逸篇則徐邈古文大義則任孝恭音義則顧彪王儉王充之問谷王粲之釋問顧歡巢猗之百問百釋衛包之今文終於正義不著錄者王元感糾繆元休洪範外傳陳正卿續尚書崔良佐演範四家二十卷

隋書

十二部二百四十七卷

崇文目七部八十一卷

中興書目二十二家一百八十七卷

續目十一家二

百二十六卷

今所傳乃唐天寶所定之本

唐尚書正義

志尚書正義三十卷國子祭酒孔穎達太學博士王

德韶等奉詔撰四門博士朱長才蘇德融助教王士

雄趙弘智覆審

書目云永徽四年長孫無忌等奉詔刊定

正義序古文

經晚行隋初始流河朔其為正義者蔡大寶三十卷

巢猗三卷

費昺十卷

顧彪二十卷

劉焯三十卷

劉炫

二十一卷

諸公文義淺畧唯焯炫最詳雅正觀十六年

萬曆十六年

三

二

監生施可光

奉勅與長才等對敕使趙弘智覆審穎達因費魁義
存或去隋書顧彪為秘書學士撰古文尚書義疏
二十卷晉伊說義疏四卷亡唐志劉炫述義二十一
卷顧彪文外義一卷南史張譏尚書
義十五卷崇文目又有廣疏十八卷

唐今文尚書 隋今字尚書

志今文尚書十三卷開元十四年八月十四日玄宗

以洪範無偏無頗聲不協詔改為無偏無陂天寶三

載七月文詔集賢學士衛包改古文從今文其舊本

仍藏書府 隋志古文尚書十三卷今字尚書十四

卷孔安國傳 釋文孔氏用隸書寫古文凡四十二

篇亡汨作至皂姑 虞書十六篇十一篇亡五篇存
夏書九篇五篇亡二云夏書雅四篇馬鄭以

五亡篇為商書 商書二十四篇十七篇亡十
七篇存 周書四十一篇九篇亡三十二篇存 **正**

義衛宏古文奇字序云秦改古文以為篆隸又曰古

文者蒼頡舊體周世所用之文字自蒼頡至周宣皆

蒼頡之體史籀始有大篆十五篇號曰篆籀惟篆與

亡新六書并八體亦用書之六體以造字於秦八體

用其小篆蟲書摹印隸書去其大篆刻符及書署書

而加以古文奇字大篆非古文蟲書非科斗書也

唐尚書糾繆

志王元感尚書糾繆十卷 會要長安三年二月上

萬曆十六年

又禮繩愆三十卷春秋振滯二十卷魏知古謂五經指南

唐尚書演範 洪範外傳

志崔良佐演範卷亡穆元休外傳十卷元休穆寧父撰外傳十篇

開元中獻之賜帛授偃師丞

唐無逸圖

見圖類

唐尚書君臣事迹圖

見圖類

舊紀穆宗即位元和十五年三月壬子召侍講學士韋處厚路隋於太液亭講毛詩關雎尚書

洪範等篇既罷並賜緋魚

唐李至遠周書

見編年類

唐續尚書 文中子續書

志陳正卿續尚書纂漢至唐十二代詔策章疏歌頌

符檄論議成書開元末上之卷亡不著錄蕭賴士

代正卿表尋討載籍始有漢二典次我唐二典以續

堯虞之典文景明章之後魏晉宋齊以還南汜有陳

北起元魏歷周隋洎高氏至聖朝總十二代詔策章

疏歌頌符檄忠臣之正議武士之權謀類而刊之次

萬曆十七年

上海卷三十七

三十一

監生施可光

以年代以續夏商秦魯之篇嘗讀貞觀實錄太宗因聽政之暇觀覽尚書謂侍臣曰朕每庶希唐虞亦思公等齊肩稷契愚臣緬述太宗之旨勒成帝典不亦宜乎 王勃傳祖通隋末居白牛溪教門人甚衆起漢魏盡晉作書百二十篇以續古尚書後亡其序有錄無書者十篇勃補全缺逸定著二十五篇 杜淹撰世子續書一百五十篇列為二十五卷 勃序云董薛之徒並受其義貞觀中太原府君考六經之目亡其小序有錄無篇者又十六篇為作序補其闕始總章二年洎咸亨元年定成百二十篇二十五卷時龍集閣茂唐御天下 文中子中說續書始於漢以存漢 五十七祀也 晉之實 起漢高祖止晉武帝續書帝制公命惟漢有之君志臣事至晉太康而止 制命不及黃

魏承業不魏大以天子之義列乎範者四曰

志策大臣之義載乎業者七曰命訓對讀議誠

制命者其逾叔至郵揮之

白居易補湯征 陳黯作禹誥 蘇綽為大誥

開寶尚書釋文 咸平古文音義

唐陸德明釋文用古文後周顯德六年郭忠恕定

文刻板詔 魏旋 太祖命判國子監周惟簡等

修開寶五年二月詔翰林學士李昉校定上之詔名

開寶新定尚書釋文咸平二年十月乙丑孫奭請

印古文尚書音義 唐志 顧龜 古文音義 與新定釋文

萬曆庚辰補刊

並行從之漢言古文天聖八年九月十二

日雕新定釋文晁氏志古文尚書十三卷孔安國

以詩古定為釋自漢迄唐行於學官明皇改從今文

由是古文遂絕陸德明獨存其一於釋文呂大防

得本於宋次道王仲至家以校釋文雖小有異同而

大體相類中興書目六卷古文尚書今文同異國文志

唐宗廟寫以今字藏其舊本開寶別定今文音義與

行經典序錄近唯崇古文馬鄭王注遂廢

元為正其舜典一篇仍用王肅本

景德尚書禮記圖 祥符觀尚書圖

祐無逸孝經圖 紹興無逸圖

見圖類 又見帝學聖文類

唐盧碩以洪範篇書于縑素為章以奏之上洪範圖

章 宋朝吳仁傑撰洪範辨一卷增立新圖辨歐陽

轍所論 陳伯達為翼範一卷 仁宗時樞副范雍繪尚

書四代圖進之以備中覽

元祐無逸講義 淳熙尚書講義

書目 元祐五年二月壬寅講無逸終篇侍講司馬康

吳安詩范祖禹等錄進講義一卷 淳熙十六年正

月二十三日太傅史浩進講義二十二卷藏祕府

晁氏志元祐中顏復吳安詩范祖禹司馬康無逸說命解三卷

紹興三墳訓義

紹興十六年九月六日秘書省言撫州布衣吳沆進三墳訓義三卷文理可采 晁氏志三墳書七卷張商英得於比陽民家墳皆古文傳乃隸書所謂三墳者山氣形也世以為偽撰蓋以比李筌陰符經云

淳熙禹貢論

四年七月九日刑部侍郎程大昌上禹貢論五十二篇後論八篇詔付祕閣序云天下大川如江河淮漢齊弱水黑水七者各稱迹道

世傳失實因者論辨證之

書目禹貢論五卷後論一卷專論河

汴二水之患又禹貢論圖五卷因禹貢備論歷代山

川郡縣名稱改易以唐世地書為正大昌攷究年代

地理等為書譜二十卷

尚書治要圖

中興書目五卷不知作者有月今後漢志中星圖周

禮九禮圖等篇取其與尚書參會也

書九意

晁氏志楊繪元素書九意一卷斷堯 虞書 禪讓

書 費誓 秦 張晦之洪範論一卷 景祐三年 胡翼

誓意凡九篇

景祐三年 胡翼

之洪範論一卷王安石洪範傳一卷蘇洵洪範論

一卷孫諤洪範會傳一卷孫覺

莘老尚書解十三卷王雱新經尚書十三卷楊時中

立書義辨疑一卷蘇軾書傳十三卷駁王氏

多顏吳范司馬無逸說命解三卷伊川書

說一卷呂大臨書傳十三卷胡旦尚

書演聖通論七卷國史志王晦叔周書音訓十二

卷

洪範數

蔡沉謂體天地之撰者易之象紀天地之撰者範之

數數始於一奇象成於二偶奇者數之所以立偶者

數之所以行故二四而八八卦之象也三三而九九

疇之數也由是八八而又八之為四千九十六而象

備矣九九而又九之為六千五百六十一而數周矣

易更四聖而象已著範錫神禹而數不傳後之作者

昧象數之源空變通之妙或即象而為數或反數而

擬象洞極有書潛虛有圖非無作也牽合傳會自然

之數益晦焉嗟夫天地之所以肇人物之所以生萬

事之所以失得莫非數也數之體著於形數之用妙

於理非窮神之化者曷足以語此朱文公皇極辯

曰、皇者君之稱、極者至極之義、標準之名、邵氏曰、唐虞其中天而興乎、堯舜其應運而生乎、其猶夏之將至、日之向中乎、聖人刪書、斷自唐虞、時之盛也。

玉海卷第三十七

